

中国文献珍本丛书

晚清珍稀期刊汇编
(十七)

全国图书馆文献缩微复制中心

晚清珍稀期刊汇编目录（十七）

新民丛报汇编……………一
宪政新志……………一八七

時局

新民叢報彙編

丙午
十

焦氏叢書

十
卷

卷十

時局

最近世界大勢論

仲 遙

近年以來我國人稍知國勢危迫亟當圖救矣然「研究」一端猶不免為大多數人所蔑視矣途之危險蓋莫甚焉此論特搜集東西學者最近所著彙譯而成雖曰不備然閱者苟真能精為體則會於最近世界大勢可以瞭如論學治事必較有把握

本論凡分三章第一章歐美列強國內之情勢第二章歐洲外交之情勢第三章德俄英法四國對於亞洲之政策其第一章為瑞典學者稽耶陵氏所著言較奧顧尤有永味譯者思慮所及隨下案語閱者並觀之或亦足為喚起研究心之一助

前本言報中國於中關之文必當續續從事今以此問題比於彼問題比較的尤為急切故中途先發表之

第一章 歐美列強國內之情勢

第一節 奧大利匈牙利

現今之列強中可以暫躋於強國之林而他日不免有零落衰沈之戚者奧大利匈牙利是也以地理上言之彼之邦域適位於歐洲之東方一若足為抵禦各國之勁敵而代歐洲各國執衛戍之勞也者雖然就其實質觀之彼實最缺乏近世國家存立之根本的條件之國民的統一之國也換言之則彼邦之國民實無自覺其國為一個固有之人格之心者也再質而言之則彼邦者無數之人

民的人格之集合體也。無數之人格之各部一相集而成為一國體者也。而推其所以致此之由其最大之原因。則在於彼之地理。彼奧大利匈牙利之地理。無自然之境界。茫茫國土。多位於屬他國之多數之河流之上流。其形勢之華離破碎。莫可究詰。職是之故。其政治地理上之現象。與國民主義之精神。適成一絕對之反比例。而以此反比例之故。遂使國民主義之與國家。日以遠心力之作。用相離而不相能融。故欲使奧大利匈牙利兩國相民互間之精神。日以接近。此實事理上至難能之業也。不特此也。其助長禍亂之端。尤有三事。一社會上之反目。二宗教上之區別。三憲法上之分離。對立此三者。其實質雖僅屬內治。其影響常波動於外交。其失策雖僅在一時之苟安。其危險且有礙夫百年之大計。今日者。若驟語人以奧匈兩國將分裂而亡乎。固不免為世所詬病。雖然。使彼邦不力求融釋之道。而默默自安焉。吾有以知其來日之大難也。

譯者案。稽氏策奧匈國未來之危險。而歸本於其國民缺一。此真一針見血之言也。歷觀歷史。無古無今。無歐無亞。皆未見國民缺一。而其國能久安長治者。惟彼奧匈國。其政治上之現象。日接於吾人之耳目。尤足發深省焉。抑彼奧匈國。今固儼然立憲國也。而猶若此。其他更何論矣。日本小野塚博士下民族二字之定義曰。一民族者。常具有人種言語歷史政法經濟思想風俗習慣等之共同基礎。而自覺為一團體之人類社會也。一其自覺二字。至為精絕。自覺者在於一人。則為個人之真宰。在於國民。則為共同之良知。使其民族果為一團體乎。則此自覺心必足為奠安其國家之基礎。使其民族果非一團體乎。則此自覺心終能為解決其問題之種子。而以吾

所見為解決之道。則有二事。(一)融之使合而泯其迹上也。(二)剖之使離而剖其實次也使二者俱無所事事。則國家之前途。惟有一途。曰亡而已矣。蓋二種以上之民族。之不能並立於一國。非徒感情之問題。而實利害之問題。非徒一時之問題。而實萬世之問題也。嗚呼。往者不可諫。來者猶可追。吾讀奧匈國史。吾每為之魂搖而神沮。吾其抱吾憂以終吾年歟。

第二節 意大利

較奧匈國稍進一籌。而前途仍不免多悲。觀者厥為意大利。彼非無國民的國家。彼非無自然之國境。其立國之基礎。非不穩健。而鞏固雖然。其議院政治。至有難言。其農業界之弊害。至難拔除。加以當內部之組織。未完統一之大業。未成之際。早已入強國之列。其結果也。常能使其政治。不能為健全之發達。是故意大利之國勢。以之保守。或可能以之。雄飛。必不足。

譯者案。世界之所謂強國。有二種。一其國力已充實。而自能發表其強之狀況於外。而得強名者。一其國力不必已充實。而以他政略上之關係。故或事勢相逼之故。不得不強飾其強之面目。以冀博強名者。其國力已充實。而得強名者。其名與其實相符。其內與其外相應。其在國內也。國民能享相當的政治之康樂。其對外也。外交能見自由的活動之成功。其國家之前途。相成相長。而日進靡窮。其國力不已充實。而冀博強名者。其名與其實相戾。其內與其外相妨。其在國內也。國民常助於一時之美觀。而忽萬世之至計。其對外也。外交容或可倖獲一二之成功。而終不免於萬之失敗。其國家之前途。相賊相掣。而終無實益。

第三節 法蘭西

其次法蘭西亦誠有難言者。彼法國今固世界第三之強國也。其國境固有自然之境界者也。其人民固同人種同宗教同言語者也。其國民固饒富而非無幸福之狀態者也。雖然此皆外界之美觀而已。若夫就其內容之前途言之。則其可危者有三。一其外交政策不計國家久遠之雄圖。徒為感情之奴隸。職此之故。不求其盟邦於自然的同盟之大陸國之德奧而反求其競爭國之英意。二其中央政治純採集權之主義。三其國民無繁殖子孫之意志。三者之中尤以第三者為最重。而彼法國亦受此弊為最深。而即此一端已足弱其國而有餘何則。法與德之復讎戰爭。法人所最不能忘者也。而法蘭西近年人口每一月增加之數。乃僅視德意志每一月增加之數焉。其復讎之業殆已全屬不可能之事。且也以人口不增之故。常能使法蘭西之殖民政策陷於無意識無效果。此宜關係於一國之前途。又不俟智者而自明矣。

譯者案。欲明法蘭西人口不增之原因。英人瑪兒梭士所著人口論中之言。最足為精確之觀察。錄如左。

一、道德心及智識發達之故。例如有道之士。嘗能節制情欲。不欲早婚。又或因移住殖民等事。往往減殺偏聚一地方人之口。

二、道德腐敗之故。例如男女之關係紊亂。正當之結婚。每見屏棄。不行於世。此亦減殺人口增加之速度者也。歐洲各國鮮見有能矯此弊者。

三、自然的強制。如傳染病氣候風土之變化及天變地異飢饉等是也。

四、人為的強制。如炭坑之工人及執捕鯨業與遠洋漁業者。

甲 過於勞動者。

乙 極貧苦者。

丙 不完全之育兒法。

丁 火災。

戊 戰爭。

以上所舉皆瑪推測氏世界人口所以不能以幾何級數增加之原因之言。而法蘭西亦即莫能外者也。其所舉之第二原因尤為法蘭西國中最甚之弊。

又法蘭西之人口自普法戰爭以後一時極形減少。今雖稍加。然其微已甚。每年間萬人中不過增五人而已。以此之故。千八百八十五年法人著令云。貧家有子七人者。以公費教之。養之又千九百二年議員俾阿氏提案於議院。謂民有及歲而不婚者。則當課以重稅。皆深有不得已者存也。

又人口與國家發展之關係密切無匹。日俄戰役。自戰鬪一方面觀之。日本實全勝。而終不免負失敗和約之辱者。則以屢次劇戰常備軍中大蒙損害。兵力將有不繼之患也。此事日人親為余

節四節 德意志

惟德意志之國勢。則獨不然。彼自其帝國統一以來。佇苦停辛。經營慘澹。今也其國內之實力既充。其國外之競爭。方始雄心壯圖。大有一日千里之觀。而其以地理上與達紐布流域分離之故。騷騷乎。且日向東北方而試其發展。北方者。實德意志建設最大之統一之國家之良地。亦即發展其騷足於海上之雄機也。又不徒德意志國民有此實力而已。其今帝威廉二世。偉力奇才。睥睨一世。一舉一動。常自表示其帝國膨脹之方針。威廉二世者。又實當代之偉人。而助長德意志日即於強者者也。雖然。彼亦非全無弱點者存也。其關於內治者。一其國境無自然之境界。其結果也。自波蘭人問題以至其他國民。不能免國民的紛爭。二其農業上之利益。與工業上之利益。互相確執。不肯相下。三其憲法上之分立主義。仍維持其勢力。不無有未完其統一之實之點。四其政府與右黨相結。而避左黨。乞後援於教皇黨。臨社會民主主義。其關於外交者。一德皇之世界政策。雖然鞏固。然觀世界之形勢。進強國究未易發揮其野心。二對於此政策之德國內之反響。難言其有同意。三德意志為發展其外交政策。其已着手經營之地。如膠州。如亞那脫陵。如巴西。皆不能塞其海外移住者之慾望。其成績不振。

譯者案。稽氏錄列德意志之弱點。其屬於內治者。以其與世界無絕大之直接關係。姑置勿論。今惟就其屬於外交者。徵之事實。參以鄙見。一詳論之。

所謂威廉二世之世界政策。即欲統合居於世界各地之日耳曼民族。共建一世界的大帝國之政策也。此政策之所由起。實淵源於日耳曼人種之繁殖力。達於極點之故。雖然此政策究不能實現者也。今從居於世界各地之日耳曼民族之現象推斷而論定之。以下所列舉之事實。多本於日本早稻田學報中

美。所調查。不敢據。注以明之。

一、居於奧大利之日耳曼民族之現象

奧大利之波希米。最初實日耳曼民族殖民之地。

也。當時日耳曼民族高視闊步。常以強力凌化他民族。其中如波希米首府之巴拉克。為日耳曼民族勢力之中心。其地有名之大學。至十八百八十二年時。亦純為日耳曼的制度。雖然時移勢變。及於今日。日耳曼民族零替莫甚。其零替之因原。則以其地之苦遮奇人。夙為日耳曼民族所箝制。飽嘗虐遇之苦。其後舉族同心。發揮其國民的精神。其勢力且駸駸乎凌駕日耳曼民族而同地之日耳曼民族。至此則反執退讓之態度。又不惟退讓而已。且日有為其所同化之勢。苦遮奇人見有日耳曼的性質之學校。每不肯使其子弟入學。而日耳曼民族之子弟。則反入苦遮奇人性質之學校。此現象也。波希米有然。波希米以外之地。亦有然。居於匈牙利之日耳曼民族之現象。奧大利關於其國民之複雜與否之問題。自其政府視之。純持放任主義。故日耳曼民族猶能存立。若夫匈牙利。則最熱心於其所謂「國民政略」之實行者也。至近年尤甚。以是之故。以彼遇此。立見其被同化。而尤可怪者。則日耳曼民族對於馬幾亞民族。全不懷敵意。且加好焉。其中如匈牙利首府布達伯士脫一地。當千二百

四十一年。實全為日耳曼民族所創設。至於今日。所謂日耳曼都府的者。不過僅存其名。其地之日耳曼民族之數。逐年以稀。據千八百八十年之調查。日耳曼民族尚居其地之人口之十分之三。有餘。至千八百九十年。則僅居十分之二。有餘。至千九百年。則僅居十分之一。有餘。至於今日。僅存十分之一而已。其他各地。亦莫不皆然。故匈牙利國中之日耳曼民族。不越甘穆。其必靡有孑遺。此殆可斷言者也。

三 居於瑞士之日耳曼民族之現象

瑞士國中。凡分三大民族。一意大利民族。居國之南部。

二法蘭西民族。居國之西部。其北部及東部。則皆日耳曼民族所居之地。據也千九百年之調查。瑞士國中。操日耳曼語者。其數二。三一。九。一〇。五。操法蘭西者。語其數七。三。三。二。

二〇。操意大利語者。其數二。二。二。二。四。七。準是而觀。日耳曼民族。實占優勢。且其所居地。各為一部。日耳曼民族。尤無被同化之虞。雖然。此皆具體的觀察之言耳。若夫就抽象的觀察。言之。則日耳曼民族。實有日向於減少之暗潮流之勢。據千八百八十八年。千九百年間之調查。法蘭西民族。其人口增十分之一。有餘。意大利民族。亦增十分之四。有餘。而日耳曼民族。則僅增十分之一。而一求其所以致此之由。意大利民族。則以移住而來者多。列於問題外。姑置不論。而素以人口不增著名。於世之法蘭西民族。乃亦見增加者。則為日耳曼人自進。而與法蘭西人同化之結果也。其最可駭者。如伯倫州。尤其一例。伯倫州之居民。法蘭西民族。居其中十分之六。而此法蘭西民族。實皆日耳曼民族。同化而來。純粹之法蘭西人。實無一人焉。且居於瑞士。

四

居於俄羅斯之日耳曼民族之現象

俄羅斯國中之日耳曼民族無由得其確數約言

之則居於巴魯奇者凡三〇〇〇人居於波蘭者凡五〇〇〇人居於羅次者凡

一〇〇〇〇人居於南俄及布魯加河流域者凡一

人此種民族自

加他鄰二世以來。奠居於俄羅斯國中。人口稀少之各地。能保存其國民的特質。然最近二十五年間。則大異其趣。其民族之全部。幾無能操日耳曼語者。其純然為日耳曼的性質之學校。不過兩校。蓋其無保存特質之能力。視波蘭人。遠有慚色矣。

五

居於比荷英法及其他歐洲諸國之日耳曼民族之現象

日耳曼民族之居於比荷兩

國者約得一五〇〇人居於英吉利者約得一〇〇〇人居於法蘭西者約得一

人而其於比也荷也英也法也無一能保守其國民特質惟其居於盧馬尼亞

捨魯布以雅不里格里及土耳其者比較的猶不似居於他國者之甚為良勝耳

六

居於北美合衆國之日耳曼民族之現象

合衆國中日耳曼民族之數約計得一二〇

人而其產於其本國者不過一少部分即其總數

人中產於本國者不過僅其中之一六六六九九〇人其餘八五〇〇〇〇人則

皆產於合衆國者也其民族之繁殖力信乎可驚雖然其能保存其本國之特質者絕不數觀

其本國之國語殆為其全部人所廢棄。名義上之日耳曼學校雖亦有所設立。然此等學校率皆為亞美利加所同化。以去。又加拿大之日耳曼民族人數約計得三四〇〇〇〇人。亦為加拿大所同化。

七、居於南美洲亞洲及其他諸方面之日耳曼民族之現象

南美之烏拉圭阿魯善奇

那智利玻利非亞威能齊拉等國亦日耳曼民族車塵馬跡所至之域也。而以巴西一國其民族聚處者為多。其地之日耳曼民族尚能保存其國民的特質。與居於盧馬尼亞等地者略同。其其在奧洲者則不然。澳洲之日耳曼民族全數達一〇〇〇〇人以上。然大率皆已喪其特質。若夫在中國及非洲南端者尤有奇異之現象。不同化於中人非人而同化於同居其地之英人自餘各地莫不皆然。

以上所舉皆日耳曼民族居於各地者之現象也。其富於繁殖力。信有可驚。而其無固定性亦信有可駭。若是乎就自然的象言之。則德皇此策其殆已終屬空花之夢也。而觀於其救濟策則又何如。

德人對於此現象之救濟策其第一着手之地即奧大利以其易奏功也。初其國內設立一國粹保存協會。純以救濟此現象為主義。其後設立於奧都維也納者謂之維也納學校協會。宗旨其第一端即注重於恢復其祖國之言語。其經費每年需四〇〇〇〇〇磅。其學校之數凡四十九校。又德都柏林之日耳曼學校協會其會員達三三〇〇〇人在各國之日耳曼民族亦

協贊其業。而德國之政治家。近年以來。尤極盡瘁於所謂日耳曼民族統一主義云。

雖然其事之必無倖成。殆可決言。其無成之原因。凡二。

一、日耳曼民族無保存其特質之意志。雖救濟亦將無效也。

綜觀日耳曼民族所以被同

化之理由。不出二大端。一、由於不能堪他民族之壓迫。二、由於悅共和政而厭棄帝政。王政其屬於第一端者。雖曰其事緣於他界。然使其民族果有強健的保存其特質之意志。則波蘭雖亡。民族固在於日耳曼民族乎。獨何異。若夫其第二端。則德意志一日無共和政。其民族即一日無復有為德意志國民之希望。而德意志之政體。其必不能有所更易。又讀者之所能知也。吾聞英人每至一地也。必有其英吉利的性質之寺院。其俱樂部。其新聞紙。其遊戲場。率皆具有英人之特質。法人之每至一地也。亦能保存其固有之特質。其人民之居於外國者。雖越數世紀。尚能保存其法蘭西言語。由前言之。此英人勢力之所以範圍大地。由後言之。此法蘭西人口雖不見增。而猶無亡種之患也歟。

德意志帝國為現今列強所疾視。即經營亦必廣被破壞也。

德皇威廉二世。今世之雄

主也。雖然。惟其為雄主也。其外交常過失之於酷辣。而其得回情也。必稀。故德意志今日之地位。又實最危險之地位也。觀於彼之演說中有言曰。『不助余者。余之敵也。余之敵。余必碎之。而後已。』其睥睨一世。旁若無人之心。歷歷如繪。故德意志近年之行動。無往而不為列強所注目。今者德皇自覺孤立殷殷然與英人聯歡矣。夫德意志近年之行動。對於此大問題比較

的猶其小焉者也。而猶若此。而況於此大問題耶。而況於日耳曼民族之在他國者。其現象有如上述之不可思議者存耶。

又猶氏所舉德意志外交上第二之弱點。觀最近現象已非爾爾。故置不論。

其所舉第三之弱點。亦就比較的言之而已。不然。如近者德人於吾山東之現象。寧得謂其成績不振耶。故亦置不論。

第五節 英吉利

據世界第一等強國之席而決決然擁無涯之希望者。莫英國若也。以其國境言之。則獨立於海上。以其社會言之。則調和於國中。以其憲法之權衡言之。則五雀六燕。銖兩適宜。以其國民之思想言之。則萬眾一志。擴張國權。且也。其境遇優。其經濟力強。茫茫大地。至於今日。亦幾全為英吉利權力所能至之域矣。自今以往。行將由是而建一最大之帝國。此英人之志也。雖然。以吾觀之。過此以往。不數十年。世界之商業政策。上必有一大競爭發生焉。無他。即英國之資本與德國之學術。美國之利源。東亞之勞力之競爭之一事是也。而當此之時。吾所最以為憂者。即為英國蓋英國者實缺乏阿利士。脫列斯氏所謂之自立國之資格之國也。其生活之資料之大部分皆仰望於外國之供給者也。彼其自昔以來。為世界之進國。故其所獲獨優。今則各國之文化。將悉列於平等之地位。越是以還。此優勢之特權行將消滅。無存而所餘者。不過其國固有之自然的權利。而以此固有之自然的權利。其仍能維持其現時之位置乎。抑不能維持其現時之位置乎。此誠不能不置於懷疑之列。